



Republika e Kosovës
Republika Kosova – Republic of Kosovo

Komuna e Vitisë
Opština Vitina – Municipality of Vitia

PROPOZIM RREGULLORE
PËR ORGANIZIMIN DHE BASHKËPUNIMIN E KOMUNËS ME FSHATRAT,
VENDBANIMET DHE LAGJET URBANE TË KOMUNËS SË VITISË

Tetor, 2020
VITI

Në bazë të nenit 58, shkronja h) të Ligjit për Vetëqeverisje Lokale Nr.03/L-40 (Gazeta Zyrtare e Kuvendit të Republikës së Kosovës Nr.28/2008), nenit 50.1, shkronja l) të Statutit të Komunës së Vitisë Nr.01-013/491, të datës 21.04.2011 si dhe në mbështetje të Udhëzimit Administrativ – MAPL Nr.02/2019 për organizimin, funksionimin dhe bashkëpunimin e komunave me fshatrat, vendbanimet dhe lagjet urbane, kryetari i Komunës, paraqet këtë:

PROPOZIM RREGULLORE

PËR ORGANIZIMIN DHE BASHKËPUNIMIN E KOMUNËS ME FSHATRAT, VENDBANIMET DHE LAGJET URBANE TË KOMUNËS SË VITISË

Neni 1

Qëllimi

Kjo rregullore ka për qëllim që të rregullojë organizimin dhe bashkëpunimin e komunës me fshatrat, vendbanimet dhe lagjet urbane në territorin e Komunës së Vitisë, themelimin e këshillave lokal, kompetencat dhe përgjegjësitë e tyre, duke i siguruar banorët e fshatrave, vendbanimeve dhe lagjeve urbane në realizimin e të drejtave, interesave dhe obligimeve të tyre në shumë fusha të jetës dhe paraqitjes së organizuar para komunës dhe organeve të saj.

Neni 2

Fushëveprimi

Kjo rregullore rregullon mënyrën e organizimit dhe bashkëpunimit mes komunës dhe fshatrave, vendbanimeve dhe lagjeve urbane, duke formuar këshillat lokale si trupa mbështetëse të organeve të komunës, që ndikojnë në konsultime gjithëpërfshirëse, të cilat promovojnë dhe zhvillojnë transparencën, llogaridhënien dhe pjesëmarrjen e qytetarëve në proceset e vendimmarrjes.

Neni 3

Numri i fshatrave, vendbanimeve dhe lagjeve urbane të Komunës

1. Në Komunën e Vitisë, vetëqeverisja lokale mund të ushtrohet në nivel të bashkësive vendore: në qytet si lagje urbane dhe në fshatra si fshatra ose vendbanime, konform dispozitave ligjore dhe statutare.
2. Komuna e Vitisë themelon 36 këshilla lokal të fshatrave, vendbanimeve dhe lagjeve urbane dhe do të paraqiten në listë të veçantë, shtojca nr. 1, që do të jetë pjesë përbërëse e kësaj rregulloreje.
3. Në pamundësi që në çdo fshat, vendbanim ose lagje urbane të zgjedhën këshillat, atëherë një këshill mund të përfshijë një e më tepër fshatra, vendbanime apo lagje urbane.

Neni 4

Formimi i komisionit nga Kuvendi i Komunës për zgjedhjen e këshillave lokale

1. Kuvendi i Komunës emëron një komision për të udhëhequr dhe koordinuar punën në teren në zgjedhjen e këshillave lokale. Kuvendi i Komunës emëron një komision prej 7 anëtarëve: 4 (katër) anëtarë nga Kuvendi i Komunës nga subjektet e ndryshme politike, 1 (një) nga ekzekutivi, 1 (një) anëtarë shoqëria civile dhe 1 (një) nga

- përfaqësuesit e fshatit, vendbanimit apo lagjes urbane që përcaktohet aty për aty nga tubimi dhe i cili njëkohësisht është bashkëkryesues i tubimit.
2. Komisioni duhet të reflektoj përfaqësimin gjinor dhe etnik. Nga 7 anëtarët e komisionit, të paktën 3 (tre) duhet të jenë femra. Përbërja e komisionit duhet të përfaqësojë përbërjen e subjekteve politike me numër më të madh të anëtarëve të përfaqësuar në Kuvendin e Komunës. Kryesuesi i komisionit zgjidhet nga anëtarët e komisionit.
 3. Se paku 4 (katër) anëtarët të komisioni komunal duhet të jenë prezent në tubime me qytetarë.
 4. Komisioni i emëruar nga Kuvendi i Komunës duhet të jetë përgjegjës për caktimin e periudhës kohore të mbajtjes së tubimeve me qytetarë, për zgjedhjen e anëtarëve të këshillave lokale dhe kryetarëve të këshillave lokale të fshatrave, vendbanimeve dhe lagjeve urbane.
 5. Komisioni i emëruar nga Kuvendi i Komunës, nëpërmjet Zyrës për Informim, informon qytetarët 15 ditë para datës së mbajtjes së tubimit me qytetarë për zgjedhjen e këshillave lokale, përmes:
 - a. Shpalljeve publike të vendosura në objektet publike dhe vendet më të frekuentuara brenda territorit ku mbahen tubimet, ku do të zgjedhën këshillat lokale;
 - b. Mediave lokale;
 - c. Ueb – faqes zyrtare të komunës; dhe
 - d. Rrjeteve sociale.
 6. Njoftimi i publikut domosdo duhet të përmbajë:
 - a. Rendin e ditës;
 - b. Datën;
 - c. Kohën; dhe
 - d. Vendin e mbajtjes së tubimit.
 7. Komisioni i raporton Kuvendit të Komunës për procesin zgjedhor.
 8. Mandati i Komisionit ndërlihet me mandatin e Kuvendit të Komunës se Vitisë.

Neni 5

Formimi i këshillave lokale dhe kriteret e përzgjedhjes

1. Këshilli lokal i fshatit, vendbanimit apo lagjes urbane do të këtë pesë (5) deri nëntë (9) anëtarë, varësisht nga numri i banorëve. Numri i saktë i anëtarëve për secilin këshill, përcaktohet nga vet banorët e fshatit, vendbanimit apo lagjes urbane që janë prezent në tubimin zgjedhor.
2. Këshilli duhet të përfshijë përfaqësimin e çdo fshati, vendbanimi apo lagje urbane. Përbërja e këshillave lokale duhet të reflektojë përbërjen etnike dhe gjinore. Përfaqësimi gjinor duhet të përfshijë minimum 30% të gjinisë femërore. Në rast se në fshat, vendbanim apo lagje urbane, jetojnë pjesëtarë të komuniteteve jo shumicë, duhet të jenë të përfaqësuar në këshillin lokal nëse marrin pjesë në tubimin zgjedhor.
3. Zgjedhja bëhet përmes votimit të fshehtë në tubimin me qytetarë.
4. Të drejtë vote kanë të gjithë banoret e fshatit, vendbanimit apo lagjeve urbane përkatëse mbi moshën 18 vjeçare. Kandidatët për anëtarë të këshillave lokale duhet të jenë banorë të përhershëm në atë lokalitet.
5. Kandidatët për pozita të anëtarëve të këshillit lokal apo kryetarëve të këshillit lokal, nuk mund të kandidohen nëse janë të zgjedhur/emëruar në poste udhëheqëse në strukturat e subjekteve/partive politike.
6. Për anëtarë të këshillave lokale të fshatrave, vendbanimeve apo lagjeve urbane, zgjedhën kandidatët të cilët fitojnë numrin më të madh të votave nga numri i

përgjithshëm i banorëve të fshatit, vendbanimit apo lagjes urbane që janë prezent në tubimin zgjedhor, me ç ‘rast duhet të respektohet përfaqësimi gjinor/etnik në strukturën e këshillit. Në rast se dy ose më shumë kandidatë të fundit kanë vota të barabarta, vlen parimi i renditjes në bazë të alfabetit.

7. Tubimin publik e hap kryesuesi i komisionit të kuvendit komunal, që e ndihmon në bashkëkryesim përfaqësuesi i fshatit, vendbanimit apo lagjes urbane që përcaktohet aty për aty, i cili njëkohësisht është edhe anëtar i Komisionit të Kuvendit Komunal.
8. Për anëtarë të këshillave lokale të fshatrave, vendbanimeve apo lagjeve urbane, nuk lejohet të jenë më shumë se një anëtarë/e i/e familjes së ngushtë.
9. Kryetari i këshillit lokal zgjedhet në mes të anëtarëve të këshillit lokal të fshatit, vendbanimit apo lagjes urbane, i cili fiton shumicën thjesht të votave të qytetarëve që marrin pjesë në atë votim. Në rast se dy apo më shumë kandidatë kanë vota të barabarta për kryetar, atëherë votimi për kandidatët më vota të barabarta përsëritet.
10. Këshilli lokal i fshatit, vendbanimit apo lagjes urbane zgjedhet me mandat 4 vjeçar.
11. Tubimet zgjedhore kanë legalitet dhe legjitimitet juridik, nëse në tubime janë të pranishëm si në vijim:
 - a. Në fshatra, vendbanime dhe lagje urbane ku numri i banoreve është deri 100, pjesëmarrja duhet të jetë së paku 11 banorë;
 - b. Në fshatra, vendbanime dhe lagje urbane ku numri i banorëve është nga 100 deri 300, pjesëmarrja duhet të jetë së paku 21 banorë;
 - c. Në fshatra, vendbanime dhe lagje urbane ku numri i banorëve është nga 300 deri 500, pjesëmarrja duhet të jetë së paku 31 banorë; dhe
 - d. Në fshatra, vendbanime dhe lagje urbane ku numri i banorëve është mbi 500, pjesëmarrja duhet të jetë së paku 41 banorë.

Neni 6

Ndërprerja dhe pushimi i mandatit të anëtarëve dhe kryetarëve të këshillave lokale

1. Në rastet kur qytetarët konsiderojnë që anëtarët ose kryetari i këshillit lokal nuk i kanë përmbushë obligimet që dalin nga kjo rregullore, anëtarët dhe kryetari i këshillit lokal mund të shkarkohen me shumicë (50% plus 1 votë) të votave të banorëve të fshatit, vendbanimit apo lagjes urbane me rastin e tubimit publik me qytetarë.
2. Në mënyrë që të bëhet ky votim, kërkohet një peticion për ndërprerjen e mandatit që duhet të nënshkruhet nga banorët e fshatit, vendbanimit apo lagjes urbane. Ky peticion duhet të mbledh nënshkrimet e më shume se gjysmës së numrit të pjesëmarrësve nga takimi ku është zgjedhur këshilli lokal. Komuna, respektivisht Komisioni Komunal duhet të lajmërohet paraprakisht për një mbledhje të tillë.
3. Në rastet kur këshilli lokal shkarkohet sipas procedurave në paragraf 2, një votim i ri duhet menjëherë të bëhet në bazë të procedurave të nenit 5 të kësaj rregulloreje në mënyrë që të zgjedhet një këshill i ri lokal.
4. Mandati i kryetarit, dhe anëtarëve të këshillave lokale përfundon:
 - a. Me kryerje të mandatit;
 - b. Nëse jep dorëheqje;
 - c. Nëse ndërron vendbanim;
 - d. Nëse shkarkohet; si dhe
 - e. Në rast se dënohet për vepër penale me një urdhër për burgim prej 6 muaj ose me tepër;

- f. Nëse përfshihet në strukturat udhëheqëse të subjekteve/partive politike; dhe
 - g. Nëse vdes.
5. Në rast të humbjes së mandatit të kryetarit të këshillit, komisioni komunal brenda tridhjetë (30) ditësh duhet të organizojë zgjedhjet për zgjedhjen e kryetarit të ri.
 6. Zëvendësimi i anëtarëve të këshillave lokalë në rastin e humbjes së mandatit bëhet nga lista e pritjes me aprovimin e komisionit të kuvendit komunal brenda pesëmbëdhjetë (15) ditësh.

Neni 7

Procesverbali nga tubimi zgjedhor

1. Për të gjitha tubimet me qytetarë, në lidhje me zgjedhjen dhe shkarkimin e këshillave lokalë, mbahen procesverbalet.
2. Procesverbali nga tubimi me qytetarë përmban: emrat dhe mbiemrat e anëtarëve të komisionit komunal që udhëheqin dhe koordinojnë punën në terren për zgjedhjen e këshillave lokalë, zyrtarëve komunalë, numrin e qytetarëve që kanë marrë pjesë në tubim, të dhënat për zgjedhjen apo shkarkimin e këshillit lokal, procedurat e votimit dhe çështjet tjera të nevojshme që duhet të shënohen në procesverbal.
3. Procesverbalin e mban një person i caktuar nga komisioni komunal, i cili organizon tubimin.
4. Procesverbalin e nënshkruan kryesuesi i tubimit dhe procesmbajtësi, ndërsa komisioni sipas nenit 3 të kësaj rregulloreje i raporton Kuvendit të Komunës për rrjedhën e tubimeve për zgjedhjen e këshillave të fshatrave, vendbanimeve dhe lagjeve urbane.

Neni 8

Konsultimet ndërmjet komunës dhe këshillave lokalë

1. Kuvendi i Komunës dhe kryetari i Komunës ftojnë përfaqësuesit e fshatrave, vendbanimeve dhe lagjeve urbane, që të marrin pjesë në tubimet publike me qytetarë, në dëgjimet publike për buxhet, tubimet e rregullta publike, takimet për planifikim strategjik që organizohen nga komuna përkatësisht kuvendi i komunës ose kryetari.
2. Së paku kryetari ose një anëtar i këshillit lokal të fshatit, vendbanimit apo lagjes urbane duhet të jetë i përfshirë në të gjitha grupet punuese komunale për hartimin e hartave zonale, dhe planeve zhvillimore dhe rurale që janë pjesë e lokalitetit ku ata jetojnë.
3. Kryetari i komunës duhet që së paku të organizojë dy takime në vit me udhëheqësit e këshillave lokale. Takimet duhet të mbahen së paku një herë në gjashtë muaj. Për rendin e ditës duhet të konsultohen edhe udhëheqësit e këshillave lokale.
4. Kuvendi i Komunës mund të kërkojë një opinion nga këshilli lokal i fshatit, vendbanimit apo lagjes urbane, në çështje të caktuara me interes për komunitetin.

Neni 9

Bartja e aktiviteteve nga komuna të këshillat lokale

1. Me kërkesën e këshillit lokal dhe rekomandimin e kryetarit të komunës, drejtorie apo komiteti të komunës, kuvendi i komunës me vendim mund të bartë disa detyra dhe përgjegjësi për t'i ushtruar këshillat lokale të fshatit, vendbanimit dhe lagjes urbane. Aktivitetet që mund të transferohen duhet të jenë në kompetencë ekskluzive vetanake të komunës.
2. Këshilli lokal i fshatit, vendbanimit dhe lagjes urbane duhet të konsultohet dhe pranojë bartjen e aktiviteteve nga komuna në këshillin lokal.

3. Në rast të bartjes së aktiviteteve nga komuna në këshillin lokal, komuna ofron mbështetje dhe burime të mjaftueshme për fshatrat, vendbanimet dhe lagjet urbane me qëllim të përmbushjes së detyrave dhe përgjegjësive të bartura.

Neni 10

Roli, detyrat dhe përgjegjësitë e këshillave lokale

1. Këshilli lokal i fshatit, vendbanimit apo lagjes urbane mund të takohet në çdo kohë për të shqyrtuar çështjet në interes të lokalitetit, si dhe harton dhe miraton planin e punës së këshillit dhe rregullat e brendshme të funksionimit.
2. Këshilli lokal i fshatit, vendbanimit apo lagjes urbane, organizon, përcjell dhe planifikon planet dhe programet zhvillimore të lokalitetit, në të gjitha sferat në bashkëpunim me Kuvendin e Komunës, Kryetarin e Komunës, komitetet dhe drejtoritë komunale.
3. Këshilli lokal i fshatit, vendbanimit apo lagjes urbane duhet ta informojë komunën për kohën dhe agjendën e takimeve. Zyrtarët komunal mund të marrin pjesë në takimet e organizuara nga këshillat lokale.
4. Takimet e qytetarëve mund të organizohen me iniciativën e këshillit lokal të fshatit, vendbanimit apo lagjes urbane.
5. Këshilli lokal mund të ndërmarrë aktivitetet të cilat në veçanti ndikojnë në:
 - a. Zhvillimin lokal ekonomik të qëndrueshëm të lokalitetit;
 - b. Planifikimin urban dhe rural të lokalitetit;
 - c. Mbrojtjen e mjedisit lokal të lokalitetit;
 - d. Ndhomon në rritjen e efikasitetit në ofrimin e shërbimeve publike komunale brenda lokalitetit;
 - e. Siguron të dhënat elementare për çdo familje të lokalitetit përkatës, përcjell gjendjen e tyre ekonomike, sociale dhe jep rekomandime, propozime për mbështetje të këtyre rasteve;
 - f. Ndhomon në mirëmbajtjen e varrezave dhe hapësirave publike të gjelbëruara;
 - g. Zhvillimin e turizmit;
 - h. Organizimin e aktiviteteve kulturore dhe sportive;
 - i. Bashkëpunimin me organet e komunës dhe organizata të tjera të shoqërisë civile për çështjet me interes për lokalitetin;
 - j. Organizimin e aksioneve vullnetare në interes për lokalitetin; dhe
 - k. Zbaton aktivitetet që janë të bartura, sipas procedurave në nenin 8 të kësaj rregulloreje.
6. Këshillat lokale të fshatrave, vendbanimeve dhe lagjeve urbane kanë të drejtë të bashkëpunojnë në mes veti në territorin e komunës përkatëse.
7. Këshillat lokale mund t'i parashtrajnë organeve të kuvendit, pyetje me shkrim për çështje të ndryshme në interes të lokalitetit, kurse organet e komunës brenda afatit 30 ditësh i përgjigjen këshillit lokal.

Neni 11
Roli i kryetarëve të këshillave lokale

1. Kryetari i këshillit lokal përfaqëson fshatin, vendbanimin apo lagjen urbane në konsultimet dhe diskutimet me organet e komunës.
2. Kryetari i këshillit lokal thërret dhe udhëheq mbledhjet e këshillit lokal dhe kujdeset për organizimin dhe punën e këshillit lokal. Po ashtu, ai i nënshkruan konkluzionet e takimeve, propozimet dhe prioritetet e miratuara nga ana e këshillit lokal dhe është i obliguar që në afat prej 15 ditëve nga dita e miratimit të tyre t'i dorëzojë të organet komunale, respektivisht në Qendrën për Shërbim të Qytetarëve.

Neni 12
Financimi aktiviteve

1. Financimi i aktiviteve të këshillave lokale mund të bëhet nga vet banorët e fshatit, vendbanimit apo lagjes urbane, nga komuna, nga financimi i përbashkët si dhe nga donatorët, në pajtueshmëri të plotë me statutin, rregulloret komunale dhe legjislacionin e zbatueshëm në Republikën e Kosovës për menaxhim të financave publike.
2. Këshilli lokal bën raporte gjashtëmujore dhe vjetore të mjeteve të inkasuara, si dhe atyre të shpenzuara, dhe i bën ato transparente për qytetarët e atij lokaliteti si dhe para organeve komunale.

Neni 13
Kompensimi i këshillave lokale

1. Për punën e tyre kryetaret e këshillave lokale kompensohen nga buxheti i komunës.
2. Kompensimi për kryetaret e këshillave lokale duhet të jetë ekuivalente në shumën e anëtarëve të komiteteve obligative.
3. Kompensimi në pjesëmarrje në takime behet vetëm për 6 takime të këshillave lokale të mbajtura gjatë vitit kalendarik.
4. Kompensimi nënkupton që mjetet financiare të shfrytëzohen vetëm për nevoja të funksionimit të këshillit lokal.

Neni 14
Mos përmbushja e përgjegjësi

Për të gjitha aktivitetet e bartura në këshillin lokal nga organet e komunës, këshilli lokal i fshatit, vendbanimit dhe lagjes urbane përkatëse mban obligime dhe përgjegjësi ligjore.

Neni 15
Dispozitat kalimtare, shfuqizuese dhe përfundimtare

Në rast konflikti të dispozitave të kësaj rregulloreje me ligjin për vetëqeverisjen lokale dhe statutin e komunës, mbizotërojnë dispozitat e ligjit dhe statutit.

Neni 16

Ndryshimet dhe plotësimet eventuale në këtë rregullore do të bëhen sipas procedurës së njëjte të aprovimit të kësaj rregulloreje.

Neni 17

1. Me hyrjen në fuqi të kësaj rregulloreje, shfuqizohet rregullorja nr.01-013/491 për organizmin dhe bashkëpunimin e komunës me fshatra, vendbanime, dhe lagje urbane në territorin e komunës së Vitisë
2. Pas miratimi nga Kuvendi i Komunës, kjo rregullore hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë e se Administrimit të Pushtetit Lokal si dhe pas publikimit në gazetën zyrtare në ueb-faqen e Komunës dhe fillon së zbatuari pas përfundimit të mandatit të këshillave ekzistuese.

Kryetari i Komunës
Sokol HALITI

Shtojca I

LISTA E KËSHILLAVE TË QENDRES URBANE, DHE FSHATRAVE ,
VENDBANIMEVE - NË TERRITORIN E KOMUNËS SË VITISË.

N/R	KËSHILLI I QENDRES URBANE NË QYTET
1	
N/R	KËSHILLAT E FSHATRAVE –VENDBANIMEVE
1	
2	
3	
4	
5	
6	
7	
8	
9	
10	
11	
12	
13	
14	

15	
16	
17	
18	
19	
20	
21	
22	
23	
24	
25	
26	
27	
28	
29	
30	
31	
32	